

## 3. gr.

Tollstjórar annast innheimtu verðjöfnunargjalds samkvæmt þessari auglýsingu og standa skil á því í ríkissjóð eftir fyrir mælum sem fjármálaráðuneytið setur, sbr. 15. gr. reglugerðar nr. 530/1975, um reikningsskil innheimtumanna ríkissjóðs.

## 4. gr.

Auglýsing þessi, sem sett er samkvæmt heimild í 120. gr. A tollalaga nr. 55/1987, sbr. lög nr. 18/1993, skal taka gildi þegar í stað og gildir til 31. janúar 1994. Jafnframt fellur úr gildi auglýsing nr. 438/1993.

*Fjármálaráðuneytið, 5. janúar 1994.*

F. h. r.

**Indriði H. Þorláksson.**

---

*Ingibjörg Þorsteinsdóttir.*

## REGLUGERÐ

### um innheimtu markaðsgjalds á árinu 1994.

## 1. gr.

Markaðsgjald sem lagt er á veltu atvinnufyrirtækja, eins og hún er skilgreind skv. 11. gr. laga nr. 50/1988, um virðisaukaskatt, að meðtalinni veltu sem undanþegin er virðisaukaskatti skv. 12. gr. þeirra laga, skal greitt á tíu gjalddögum á árinu 1994. Er gjalddagi fyrsti dagur hvers mánaðar nema mánuðina janúar og júlí.

## 2. gr.

Þar til álagning ársins 1994 liggur fyrir skal hver gjaldandi greiða fyrirfram upp í álagningu ársins. Fyrirframgreiðslan skal nema á hverjum gjalddaga 10% af reiknuðu gjaldi af veltu tímabilsins 1. nóvember 1992 – 31. október 1993, sbr. 3. gr. laga nr. 114/1990, með síðari breytingum og ákvæði til bráðabirgða II við þau lög.

## 3. gr.

Heimilt er gjaldanda að sækja um lækkun á markaðsgjaldi sem honum hefur verið gert að greiða fram að álagningu 1994 skv. 2. gr.

Umsókn um slíka lækkun skal senda skattstjóra er úrskurðar um lækkun greiðsluskýldunnar.

## 4. gr.

Um greiðslur markaðsgjalds á árinu 1994 fer að öðru leyti samkvæmt ákvæðum XIII, kafla laga nr. 75/1981, um tekjuskatt og eignarskatt, með síðari breytingum.

5. gr.

Reglugerð þessi, sem sett er skv. heimild í ákvæði til bráðabirgða I við lög nr. 114/1990, um Útflutningsráð Íslands, sbr. 52. gr. laga nr. 122/1993, öðlast þegar gildi.

*Fjármálaráðuneytið, 5. janúar 1994.*

F. h. r.

**Snorri Olsen.**

---

*Bragi Gunnarsson.*